

Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын есептеу қағидасын бекіту туралы

Күшін жойған

Қазақстан Республикасы Еңбек және халықты әлеуметтік қорғау министрінің 2011 жылғы 27 қазандағы № 381-ө Бұйрығы. Қазақстан Республикасы Әділет министрлігінде 2011 жылы 21 қарашада № 7305 тіркелді. Күші жойылды - Қазақстан Республикасы Еңбек және халықты әлеуметтік қорғау министрінің 2012 жылғы 28 наурыздағы № 99-ө-м Бұйрығымен.

Ескерту. Бұйрықтың күші жойылды - ҚР Еңбек және халықты әлеуметтік қорғау министрінің 2012.03.28 № 99-ө-м (қол қойылған күнінен бастап күшіне енеді) Бұйрығымен.

Қазақстан Республикасы Үкіметінің 2011 жылғы 18 шілдедегі № 817 қаулысымен бекітілген Жұмыспен қамтуға жәрдемдесудің белсенді шараларына қатысатын адамдардың ұтқырлығын арттыруға жәрдемдесу және оларға мемлекеттік қолдау шараларын көрсету қағидасының 16-тармағына сәйкес

Б Ұ Й Ы Р А М Ы Н :

1. Қоса беріліп отырған Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын есептеудің е р е ж е с і б е к і т і л с і н .

2. Халықты жұмыспен қамту департаментінің директоры (Арғындықов Д.Р.): осы бұйрықтың заңнамада белгіленген тәртіппен Қазақстан Республикасы Әділет министрлігінде мемлекеттік тіркелуін және ресми жариялануын; аудандардың, облыстық және республикалық маңызы бар қалалардың, астананың халықты жұмыспен қамту орталықтарына осы бұйрықтың жетуін қ а м т а м а с ы з е т с і н .

3. Осы бұйрықтың орындалуын бақылау Қазақстан Республикасы Еңбек және халықты әлеуметтік қорғау вице-министрі Б.Б.Нұрымбетовқа жүктелсін.

4. Осы бұйрық алғаш ресми жарияланғаннан кейін он күнтізбелік күн өткен соң қолданысқа енгізіледі.

Министр *Г. Әбдіқалықова*
Қ а з а қ с т а н Р е с п у б л и қ а с ы
Еңбек және халықты әлеуметтік
қорғау министрінің

2011 жылғы 27 қазандағы
№ 381 - ө бұйрығымен
бекітілген

Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын есептеудің ережесі

Осы Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын есептеу ережесі (бұдан әрі – Ереже) Қазақстан Республикасы Үкіметінің 2011 жылғы 18 шілдедегі № 817 қаулысымен бекітілген Жұмыспен қамтуға жәрдемдесудің белсенді шараларына қатысатын адамдардың ұтқырлығын арттыруға жәрдемдесу және оларға мемлекеттік қолдау шараларын көрсету қағидасының 16-тармағына сәйкес әзірленді және Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын есептеудің тәртібін белгілейді.

1. Адамның (отбасының) жиынтық табысын есептеу тәртібі

1. Жұмыспен қамту 2020 бағдарламасының үшінші бағытына қатысуға үміткер адамның (отбасының) жиынтық табысын (бұдан әрі – отбасының жиынтық табысы) жергілікті атқарушы органмен жұмыспен қамтуға жәрдемдесудің белсенді шараларын іске асыру мақсатында ауданда, облыстық және республикалық маңызы бар қалаларда, астанада құрылатын халықты жұмыспен қамту орталығы есептейді.

Отбасының жиынтық табысын есептеу кезінде Жұмыспен қамту 2020 бағдарламасының үшінші бағытына қатысуға үміткердің өтінішінде көрсетілген отбасының барлық мүшелері ескеріледі.

2. Отбасының жиынтық табысына осы Қағиданың 2-тарауына сәйкес ақшалай немесе заттай нысанда алған тұрғын үй және мемлекеттік атаулы әлеуметтік көмектен, жеке қосалқы шаруашылықтан - мал мен құс ұстауды, бағбандықты, бақша өсіруді қамтитын үй жанындағы шаруашылықтан түсетін табыстан, Қазақстан Республикасы Үкіметінің 2011 жылғы № 316 қаулысымен бекітілген Жұмыспен қамту 2020 бағдарламасы шеңберінде берілетін ынталандырушы төлемдерден басқа, мемлекеттік атаулы әлеуметтік көмекке өтініш берген тоқсанның алдындағы тоқсандағы (бұдан әрі – есепті кезең) табысының барлық түрлері қосылады.

Ынталандырушы төлемдер – Жұмыспен қамту 2020 бағдарламасы шеңберінде жұмыспен қамтуға жәрдемдесудің белсенді шараларына қатысатын

жеке тұлғаларға төленетін ақшалай қаражат (стипендиялар; оқу орнына дейін және кері жол жүруіне және жатақханада тұруына немесе тұрғын үйді жалға алумен (жалға алумен) байланысты шығындарды өтеуге субсидиялар; бюджет қаражаты есебінен субсидияланатын жұмыспен қамтуға жәрдемдесудің белсенді шараларына қатысатын жеке тұлғалар жалақысының бөлігі; көшуге берілетін субсидиялар).

Халықты жұмыспен қамту орталығы өтініш берушінің келісімімен табыстарды Қазақстан Республикасы Еңбек және халықты әлеуметтік қорғау министрлігінің «Зейнетақы төлеу жөніндегі мемлекеттік орталығы» республикалық мемлекеттік қазыналық кәсіпорнының дерекқорымен салыстырып тексереді.

3. Отбасының орта есеппен жан басына шаққандағы табысы есепті кезеңдегі отбасының жиынтық табысын көрсетілген кезеңдегі айлардың санына және отбасы мүшелерінің санына бөлу жолымен есептеледі.

4. Шетелдік валютада алынған табыс Қазақстан Республикасының Ұлттық Банкі белгілеген, осы табыс алынған күнгі нақты бағам бойынша ұлттық валютаға қайта есептеледі.

5. Зат түрінде алынған табыстар отбасының жиынтық табысында өтініш берушінің алған табысы туралы мәліметтерде көрсеткен ақшалай баламасымен есептеледі.

6. Өтініш беруші толық емес немесе жаңсақ мәліметтер ұсынған жағдайда, отбасының жиынтық табысын есептеу жүргізілмейді.

2. Отбасының жиынтық табысын есептеу кезінде ескерілетін табыс түрлері

7. Отбасының жиынтық табысын есептеу кезінде Қазақстан Республикасында және одан тыс жерлерде есепті кезеңде алынған табыстың барлық түрлері есепке алынады:

- 1) кәсіпкерлік және басқа да қызмет түрлерінен түсетін табыс;
- 2) еңбекақы, әлеуметтік төлемдер түрінде алынатын табыс;
- 3) балаларға және басқа да асырауындағыларға алимент түріндегі табыс;
- 4) осы Ереженің 6-тарауында көрсетілген өзге де табыстар.

8. Жерлеуге берілген біржолғы жәрдемақы; төтенше жағдайлар салдарынан денсаулығы мен мүлкіне келтірілген зиянның өтемақысы; бала тууына байланысты берілген біржолғы мемлекеттік жәрдемақы; аз қамтамасыз етілген отбасылардың оқушыларына білім беру мекемелерінде Қазақстан Республикасының білім беру саласындағы заңнамасына сәйкескөрсетілетін қаржылай және материалдық көмек; азық-түлік өнімдері бағасының

қымбаттауына байланысты Қазақстан Республикасының заңнамасына сәйкес мемлекеттік бюджеттен және өзге де көздерден ақшалай және зат түрінде көрсетілген көмек; «Бота» Қоғамдық қорынан берілетін шарттастырылған ақшалай жәрдемақы; осы Ережеде көзделген жағдайларды қоспағанда, Қазақстан Республикасы Салық кодексінің 155-бабы 3-тармағының 1) тармақшасына сәйкес басқа да табыстар жеке адамның табысы түрінде қаралмайды және отбасының жиынтық табысын есептеу кезінде есепке алынбайды.

3. Отбасының жиынтық табысын есептеу кезінде есепке алынатын, кәсіпкерлік және басқа да қызмет түрлерінен түсетін табыс

9. Отбасының кәсіпкерліктен және басқа да қызмет түрлерінен түсетін жиынтық табысын есептеу кезінде:

- 1) өнімді (жұмыстарды, қызметтерді) сатудан;
- 2) тауарлық-материалдық құндылықтарды, мүлікті сату кезіндегі құн өсімінен ;
- 3) шаруа (фермер) қожалығы қызметінің нәтижесінде және шартты жер үлесі мен мүлік жарнасынан алынған ;
- 4) өзін-өзі жұмыспен қамтудан түскен табыс есепке алынады.

10. Жекелеген азаматтарда жұмыс істейтін адамдар жалақысын шарттың көшірмесімен, жалға алушының анықтамасымен немесе өтініш негізінде растайды .

Жекелеген азаматтарда шарт жасаспай жұмыс істейтін адамдардың жиынтық табысы олардың өтініштері негізінде расталады.

11. Өзін-өзі жұмыспен қамтыған халықтың табысы жазбаша өтінішпен расталады .

12. Кәсіпкерлік қызметпен арнаулы салық режимі жағдайында айналысатын адамдардың табысы біржолғы талон, патент, оңайлатылған декларация негізінде расталады.

4. Отбасының жиынтық табысын есептеу кезінде есепке алынатын, еңбекақы, әлеуметтік төлемдер түрінде алынған табыс

13. Отбасының жиынтық табысын есептеу кезінде мынадай (осы Ереженің 8-тармағында көрсетілгендерден басқа) түрде алынған табыс есепке алынады:

- 1) жұмыс беруші еңбекақы ретінде есептеген, атап айтқанда: жалақының барлық түрлері, оның ішінде кесімді, мерзімді, сондай-ақ ақшалай және заттай нысандағы сыйлықақылар, қосымша ақылар, үстеме ақылар

(Қазақстан Республикасының заңнамасына сәйкес жалақысы сақталатын кезеңге қызметкерге Қазақстан Республикасының заңнамасына сәйкес төленетін ақшалай соманы қоса алғанда, қаржыландыру көзіне қарамастан);

демалыс уақытында сақталатын жалақы, сондай-ақ пайдаланылмаған еңбек демалысы үшін ақшалай өтемақы;

ұйым (заңды тұлға) таратылған немесе жұмыс берушінің (жеке тұлғаның) қызметі тоқтатылған, қызметкерлер саны немесе штаты қысқартылған жағдайларда, еңбек шартының бұзылуы кезінде, Қазақстан Республикасының еңбек заңнамасында белгіленген мөлшерде төленетін өтемақылар;

уақытша, маусымдық және қоғамдық жұмыстарды орындау кезеңіндегі ж а л а қ ы ;

сақтандыру агенттері мен брокерлерге төленетін комиссиялық сыйақы; бала туғанда және жерлеуге берілетін жәрдемақылардан басқа, жалақы есептеу кезінде ескерілмейтін және ұйым қаражатының есебінен төленетін басқа да т ө л е м тү р л е р і ;

мерзімді қызметтегі әскери қызметшілердің ақшалай үлесін қоспағанда, әскери қызметшілердің, оның ішінде келісім-шарт бойынша қызмет өткеріп жүргендердің және ішкі істер органдарының қатардағы және басшы құрамдағы адамдарының, сондай-ақ соларға теңестірілген азаматтар санаттарының үстемеақылар мен қосымша ақылар ескерілген ақшалай үлесі;

жал бойынша төленетін еңбекақы;

2) әлеуметтік төлемдер, атап айтқанда:

Қазақстан Республикасының зейнетақы және әлеуметтік қамсыздандыру саласындағы заңнамасында белгіленген тәртіппен тағайындалатын зейнетақылардың барлық түрлері, оларға өтемақы төлемдері;

мүгедектігі бойынша, асыраушысынан айырылу жағдайы бойынша және жасына байланысты берілетін мемлекеттік әлеуметтік жәрдемақылар; арнаулы мемлекеттік жәрдемақылар;

жерасты және ашық кен жұмыстарында, сондай-ақ еңбек жағдайлары ерекше зиянды және ерекше ауыр жұмыстарда істеген адамдарға берілетін мемлекеттік а р н а й ы ж ә р д е м а қ ы л а р ;

мемлекеттік әлеуметтік сақтандыру қорынан төленетін әлеуметтік төлемдер;

бала бір жасқа толғанға дейін оның күтіміне берілетін мемлекеттік ж ә р д е м а қ ы л а р ;

үйде тәрбиеленетін және оқитын мүгедек балаларды материалдық қ а м с ы з д а н д ы р у ;

қаржыландыру көзіне қарамастан, оқушыларға, студенттерге, аспиранттарға, докторанттарға, оқу орындарының басқа да тыңдаушыларына төленетін ш ә к і р т а қ ы ;

жұмыс берушінің қаражаты есебінен берілетін, еңбекке уақытша жарамсыздық жөніндегі әлеуметтік жәрдемақы;

бірінші, екінші топтағы жалғыздікті, бөгде адамның көмегіне мұқтаж мүгедектердің мемлекеттік әлеуметтік жәрдемақыларына қосылатын күтімге арналған қосымша үстемеақылар мен жергілікті мемлекеттік басқару органдарының шешімі бойынша бюджеттен берілетін басқа да тұрақты төлемдер;

жергілікті бюджеттердің қаражаты есебінен көрсетілетін, қалаішілік қоғамдық көлікте жүруге берілетін материалдық (әлеуметтік) көмек;

Қазақстан Республикасының заңнамасына сәйкес берілетін заттай көмек түрлерінің құны, сондай-ақ осы көмектің орнына төленетін сома;

осы тарауда көрсетілген, Қазақстан Республикасының заңнамалық актілерінде белгіленген, жергілікті мемлекеттік басқару органдары, мекемелер мен басқа да ұйымдар белгілеген барлық төлем түрлеріне өзге де үстемеақылар мен қ о с ы м ш а а қ ы л а р .

14. Жиынтық табыстың құрамына қызметкер еңбек (қызметтік) міндеттерін атқару кезінде оның өмірі мен денсаулығына зиян келтіргені үшін Қазақстан Республикасының заңнамалық актілеріне сәйкес төленетін біржолғы төлемдер мен ай сайынғы сомалар қосылады.

15. Есепті кезеңнен асып түсетін кезеңнің табысы бір мезгілде алынған кезде (оның ішінде жалақы, зейнетақы, жәрдемақылар, алимент және өзге де төлемдер бойынша берешектер), алынған табыс, сол табыс алынған айлардың санына бөлінеді және есепті кезеңге келетін айлардың санына көбейтіледі.

Жұмысты азаматтық-құқықтық шарт бойынша (мердігерлік және басқа) орындайтын адамдардың табысы шарт қолданылатын бүкіл кезеңге сомаланады. Алынған табыс жұмысты орындау үшін шартта көзделген айлардың санына бөлінеді және есепті кезеңге келетін айлардағы жиынтық табыста есепке а л ы н а д ы .

16. Азаматтық-құқықтық шарттар бойынша, оның ішінде ғылым, әдебиет, өнер және өзге де қызмет түрлері туындыларын және т.б. жасауға, шығаруға, орындауға немесе өзге де пайдалануға алынған, осы шарт есебіне аванспен төленетін сыйақылар аванс берудің бүкіл кезеңіне (ай сайын теңдей үлеспен) есепке алынады, ал қалған сома шарттың аванс бергеннен кейінгі қолданылу кезеңіне (ай сайын теңдей үлеспен) есепке алынады.

17. Авторлық сыйақылар (шарттар болмаған кезде), сондай-ақ жаңалық ашқаны, өнертабыстары мен рационализаторлық ұсыныстары үшін сыйақылар отбасының жиынтық табысына сыйақы сомасын ол алынған айлардың санына бөлуден алынған үлес мөлшерінде қосылады және есепті кезеңге келетін айлардың санына көбейтіледі.

18. Еңбекақы, әлеуметтік төлемдер түрінде алынған табыс олардың мөлшері

туралы анықтамалармен расталады.

Республикалық бюджет қаражаты есебінен берілетін әлеуметтік төлемдер түрінде табыс алуы зейнетақы немесе жәрдемақы алушы куәлігінің көшірмесімен не Зейнетақы төлеу жөніндегі мемлекеттік орталықтың бөлімшелері беретін анықтамамен расталады.

5. Отбасының жиынтық табысын есептеу кезінде есепке алынатын, балаларға және басқа да асырауындағыларға алимент түріндегі табыс

19. Балаларға және басқа да асырауындағыларға алименттер жиынтық табыс құрамында есепке алынады.

Алименттер, сондай-ақ алимент төлеушінің жалақысын қайта есептеуге байланысты алынған алименттің қосымша сомасы, отбасының жиынтық табысында олардың алынған уақыты бойынша есепке алынады.

20. Адамдардың, асырауындағыларды асырауға міндетті адамның тұрғылықты жері туралы мәліметтердің болмауы себебінен алимент өндіріп алуға мүмкіндігі болмаған жағдайда, отбасының жиынтық табысы көрсетілген адамның іздеуде жүргені туралы тиісті органдардан алынған құжаттар қоса берілген жазбаша өтініш негізінде есептеледі.

Отбасының жиынтық табысы, төлеуші:

1) жұмыс істемейтін және аудандардың (қалалардың) жұмыспен қамту және әлеуметтік бағдарламалар бөлімдерінде, республикалық маңызы бар қаланың, астананың жұмыспен қамту және әлеуметтік бағдарламалар басқармаларында жұмыссыз ретінде тіркелген (анықтамасын ұсынған кезде);

2) бас бостандығынан айыру орындарында не уақытша ұстау изоляторында болған (балаларға алимент аударылмайтыны туралы, бас еркінен айыру орындарында не уақытша ұстау изоляторында болу кезеңі көрсетілген сот орындаушысының немесе түзеу мекемесінің анықтамасын ұсынған кезде);

3) туберкулез, психоневрологиялық, онкологиялық диспансерлерде (стационарларда), емдік-еңбек профилакторийінде емдеуде жүрген немесе есепте тұрған (тиісті медициналық ұйымдардан анықтама ұсынған кезде);

4) Қазақстан Республикасы тиісті келісім жасаспаған мемлекеттерге тұрақты тұруға кеткен, Қазақстан Республикасы азаматтарының тіркеуінен шығарылғанын растайтын, ішкі істер органдары беретін анықтама негізінде;

5) балалары мен басқа да асырауындағыларды асыраудан жалтарған жағдайда, алиментті есепке алмай есептеледі.

21. Егер ата-анасының арасында неке бұзылмай, жұбайлардың біреуінен алимент өндіріп алынса, осы жұбайы отбасымен бірге тұрған кезде оның табысы

отбасының жиынтық табысында толық есепке алынады. Жұбайлар бөлек тұрған жағдайда, отбасының жиынтық табысында алимент есепке алынады.

22. Балаларға және басқа да асырауындағыларға алынған алимент, аударылған алимент туралы жұмыс берушінің анықтамаларымен не алынған алимент туралы почта аударымдарының түбіртегімен, сондай-ақ сот органдарының алимент өндіріп алу туралы шешімі қоса берілген жазбаша өтініш негізінде расталады. Алимент бойынша 3 айдан асатын кезең үшін берешек пайда болғанда, сот орындаушысының алимент бойынша берешекті айқындау туралы анықтамасы ұсынылады.

6. Отбасының жиынтық табысын есептеу кезінде есепке алынатын өзге де табыстар

23. Отбасының жиынтық табысын есептеу кезінде мынадай өзге де табыстар:

1) жылжымайтын мүлікті және көлік құралдарын жалға беруден және сатудан ;

2) бағалы қағаздардан ;

3) шетелдік валютаны өткізуден ;

4) асыл тастар мен бағалы металдарды, олардан жасалған зергерлік бұйымдарды және құрамында асыл тастар мен бағалы металдар бар басқа да заттарды, сондай-ақ өнер туындыларын және антиквариатты сатудан ;

5) ақша салымдары және депозиттер бойынша сыйақы (мүдде) түрінде ;

6) ақшалай аударымдар түрінде ;

7) конкурстарда, жарыстарда (олимпиадаларда), фестивальдарда, салымдар мен борышкерлік бағалы қағаздар бойынша ұтыстарды қоса алғанда, лотереяларда ақшалай және (немесе) заттай түрдегі ұтыстар есепке алынады.

Көрсетілген табыс алынған уақыты бойынша есепке алынады және жазбаша өтінішпен расталады .

24. Жылжымайтын мүлікті немесе көлік құралдарын жалға беруден алынған табыс мүлікті жалға беру шартының көшірмесімен расталады. Мүлікті жалға беру шарты болмаған жағдайда, мүлікті немесе көлік құралдарын жалға беруден түскен табыс өтініш берушінің өтінішінде көрсетілген мөлшерде есепке алынады .

25. Өтініш иесі көрсеткен, жылжымайтын мүлікті немесе көлік құралдарын сатудан алынған табыс сатып алу-сату шартының көшірмесімен расталып, он екі айға бөлінеді және оның тиісті бөлігі есепті кезеңдегі жалпы жиынтық табысқа қосылады .

Сатып алу-сату шартының көшірмесі болмаған жағдайда, табыс өтініш берушінің өтінішінде көрсетілген мөлшерде есепке алынады.

Басқа жылжымайтын мүлікті және көлік құралдарын сатып алған жағдайда, жылжымайтын мүлікті және көлік құралдарының құны мен сатудан түскен сома арасындағы айырма отбасының жиынтық табысында есепке алынады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК